



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

**Monacellus, Franciscus
Venetiis, 1706**

Deputationis Vicarii Generalis Capituli Formula II.

[urn:nbn:de:hbz:466:1-62406](#)

Ecclesiastica, in quibus tamen Sacra Unctio non adhibetur, ejus Vicario Generali, & aliis Sacerdotibus suæ Dioecesis sibi bene visis in aliqua Dignitate Ecclesiastica constitutis, &c. juxta Decretum relatum à Gavant. in Manual. Episcop. verb. *Benedictio num. 5.* & quod servatum vidi pro me ipso, dum munere Vicarii Generalis functus fui in Ecclesiis Venusina, & Aesina.

51 Contra hanc observantiam, & Decretum à Gavant. relatum, insurgit Nicol. lucub. Can. lib. 5. tit. 33. de privil. post num. 18. Et primò objicit, quod de Decreto non constat authenticè. Secundò, quod non est usu receptum, præsertim Romæ cùm R. P. D. Vicesgerens passim auctoritate ordinaria deleget quibuscumque Presbyteris hanc facultatem. Tertiò, quod hujusmodi benedictio, in qua non intervenit Unctio Sacra, & non sit Ordinis Episcopalis, sed jurisdictionis, & Sacerdotalis, possit à solo Episcopo delegari, sicuti delegatur reconciliatio Ecclesiæ pollutæ, quod est plus. Quartò, quod licentiae, quæ expediuntur à Sacra Congregatione Rituum, fiant ad cauthelam, & ad majorem conscientiæ serenitatem non autem de necessitate.

52 Huic Nicolii sententiae favere videbantur Decreta, relata à Barb. in Sum. decis. Apostol. collecti. 301. num. 5. quæ tamen per errorem ibidem allegata fuissent (ut sèpè accidit Collectoribus) credendum est: Quia in verb. *Benedictio collecti. 59. num. 3.* referendo eadem met Decreta, dicit idem Barbos quod, ut Episcopus possit hanc facultatem aliis delegare, exigitur licentia Sedis Apostolicæ, & ita concordat cum Gavanto, cui cum praxis ita servet, & ipse adhærere non dubito, quicquid sit, an speculativè loquendo opinio Nicolii sustineri possit, nec nè. Et hanc Sententiam tenet modernus Corbett. *prax. Cœrem tract. 1. part. 2. cap. 14. num. 1.* ubi quod hæc benedictio sit de potestate Ordinis.

53 Tandem in constitutione Vicarii Generalis, sive pauca, sive multa, sive plura, sive omnia specialia concedantur, semper collationem Beneficiorum sibi ipsis Episcopi reservent; tūm quia congruit, quod soli possint dignos, & emeritos Ecclesiæ præmio fovere; tūm ne Vicarius,

qui habet facultatem ad tempus substi-tuendi, affectando causam absentiaæ, vel alterius necessitatìs, alium substituat, ut sibi conferat, quod facere validè posset, prout sustinet Zecch. de Republ. Eccles. tit. de Vicar. Episc. cap. 23. post num. 4. §. Et ubi Vicarius interpretatione sexta; Tūm demum ne collusionis, aut cujufvis alterius pactionis pravæ cum proviso suspi-candi occasio relinquatur.

54 Cætera, quæ pertinent ad officium, potestatem ordinariam, durationem, & præminentias Vicarii, & Officialis Generalis Episcopi, videri possunt apud Cucch. & Jacob. Sbroz. qui integras, & absolutos ediderunt Tractatus, necnon Tusch. lit. V. conclus. 189. Zecch. Barb. Pac. Jord. Ventrigl. & Pirhing. in locis supra allegatis: Non enim ad hæc transcriben-da calamus paravi; sed tantummodo pro intelligentia clausularum in formulis contentarum, quæ non omnibus in foro Ecclesiastico versantibus obvia est, ex-planationis Provinciam licet exiguum pro mea tenuitate aggredior.

Deputationis Vicarii Generalis Capituli.

FORMULA II.

S U M M A R I U M .

- 1 Capitulum etiam extrâ casum mortis Episcopi potest Vicarium constituere.
- 2 Capitulum non eligit Vicarium, quando Vicarius Episcopi in remotis degentis moritur, vel est suspensus, aut excommunicatus, vel missus à Congregatione, sed recurritur pro provi-sione ad Sedem Apostolicam.
- 3 Tempus à Concilio præfixum pro elec-tione Vicarii Capitulari incipit currere à die scientiæ mortis certæ, & non præsumptæ, vel à die translationis ad altam Eccle-siam.
- 4 Capitulo negligente eligere, vel nulliter eligente, electio Vicarii devol-vitur

- vitur utroque casu ad Metropolitum, & num. 5.
- 6 Capitulum iterum eligit Vicarium, si constitutus à Metropolitano decederet.
- 7 Canonici absentes non debent vocari ad Capitulum electionis Vicarii, nisi commode fieri possit.
- 8 Canonici absentes, qui de consuetudine vocandi sunt, non sunt vocandi, nisi sint intra Provinciam.
- 9 Canonici quoquomodo absentes, non sunt vocandi, si ita consuetudo obtinuit.
Capitulo electionis Vicarii preter Canonicos vocandi sunt etiam ii, qui de jure non sunt de Capitulo, si ad eum consuetudo illos vocandi, ibid.
- 10 Electio Vicarii, Capitularis debet fieri secretis suffragiis.
- 11 Capituli resolutiones debent fieri secretis suffragiis.
- 12 Vicarius Capituli debet esse Doctor in jure Canonico, & non in Civilium tantum.
- 13 Capitulum unum tantum Vicarium eligit.
- 14 Capitulum Vicarium non potest constituer ad tempus, sed illum pro toto tempore Sedis vacantis deputare debet.
- 15 Vicario Capituli debetur salarium ex redditibus Ecclesiae vacantis.
- 16 Capitulum in constitutione, & electione Vicarii non potest sibi aliquid reservare, seu potestatem electi coarctare.
- 17 Vicarius Capituli, si allegetur, suspensus, non potest procedere sine adjunctis.
- Quod procedit etiam in Vicario Episcopi, & in ipsomet Episcopo, ibid.
- 18 Vicarius Capituli cognoscit causas violationis immunitatis Ecclesiastice exceptis casibus Bullæ Greg. XIV. quorum cognitio sede vacante ad Episcopum vicinorem devolvitur.
- 19 Vicarius Capituli, sicuti nec Episcopi, nec Apostolicus possunt absolvere à censuris incursi, seu fulminatis ob laesam Immunitatem Ecclesiasticam.
- 20 Metropolitanus non absolvit subditos suffraganei, neque appellaciones debet recipere in causa laesæ Immunitatis, nisi integraliter restituta.
- 21 Vicarius Capituli potest ex causa resgnationes Beneficiorum admittere.
- 22 Vicarius Capituli concedit dimissorias post annum, & infra annum arctatis, aliisque ratione Beneficil recepsi, vel recipiendi.
- 23 Vicarius Capituli concedit infra annum etiam non arctatis dimissorias pro prima Tonsura.
- 24 Vicarius Capituli aliquando de Voto pleni Capituli concedit etiam infra annum dimissorias.
- 25 Vicarius Capituli utilius esset, quod post annum dare dimissorias semper de Vota pleni Capituli, & de ratione.
- 26 Vicarius Capituli dispensat super interstitiis data speciali commissione.
- 27 Vicarius Capituli non Doctor debet habere Consultorem Doctorem ab ipsomet assumendum.
- 28 Vicarius Capituli non debet constitui juxta formulas traditas à Quarant. & Barbo.

Nos Archidiaconus, Canonici, & Capitulum Cathedra lis Ecclesiæ N. Sede Vacante per mortem bon. mem. N. Episcopi.

Admodum Rev. D. N. J. V. D. salutem in Domino sempiternam.

CUm ex Sacrorum Canonum dispositione Cathedralium Ecclesiarum Capitula in locum deficientium Episcoporum (præserim si ex humanis eripi contigerit) subrogentur, eisque in spiritualibus, & temporalibus succedant, eorumque

que munus sit , viduatis Ecclesiis , ità consulere , ut Ministrorum solertia , atque diligentia incommoda minimè sentiri permittant . Ne igitur supradicta Ecclesia culpa nostra aliquid detrimenti patiatur , Nos Canonicis sanctionibus , & Sacr. Concil. Trid. Decretis , ut par est obtemperando , vocatis omnibus , & singulis Canonicis intra tempus octo dierum à prefato Concilio statutum ad Vicarium , qui vices nostras sustinere debeat , deputandum , congregatisque his , qui debuerunt , potuerunt , & voluerunt interesse , habitis Capitulariter , secretisque suffragiis , five Votis omnium , seu majoris partis interessentium , & ut permittitur congregatorum : Te Advocatum Rev. D. N. I. V. D. supradictum de cuius probitate , scientia , & sollicitudine plurimum in Domino confidimus , Generalem in spiritualibus , & temporalibus , Vicarium , & Officialem nostrum in prædicta Ecclesia Cathedrali , Civitate , & Dioecesi tenore præsentium deputamus , facimus , creamus , & constituimus pro tempore Sedis Vacantis . Cum omnibus , & singulis facultatibus , privilegiis , honoribus , oneribus , emolumenatis , præminentitiis , & prærogativis ad hujusmodi munus exercendum debitibus , necessariis , & opportunis .

Dantes Tibi plenam , & liberam potestatem omnia , & singula exercendi , quæ Capitulo Sede Vacante in utroque Foro à jure permittuntur , & proinde causas omnes tam Civiles , quam Criminales , & mixtas etiam haeresis , & matrimoniales audiendi , cognoscendi , terminandi , ac decidendi , cum facultate excommunicationem , aliasque Ecclesiasticas Censuras , & pœnas etiam pro Ecclesiastarum immunitate , & libertate tuenda , ferendi , & infligendi , Resignationes Beneficiorum cum causa recipiendi , præsentatos ad Beneficia Jurispatronatus instituendi , & nova cum reservatione dicti juris dotandi , & erigendi , salvis juribus Episcopali bus . Concursum ad Parochiales vacantes indicendi , & magis dignum ex approbatis præ eligendi , ac dimissorias ad Ordines post annum , & infra annum arctatis ad formam Concilii Tridentini concedendi , & super intersticiis dispensandi . Necnon ea omnia faciendi , mandandi , & exequendi , quæ Nos facere , mandare , vel exequi possumus , etiam si requirent speciale mandatum (si Vicarius deputatus non esset Doctor , addatur) -- cum Voto tamen Consultoris idonei I. V. D. Tibi benè visi in sententiando , & procedendo ad actus quoscumque irretractabiles , & qui consilio videbuntur indigere .

Precipimus itaque universo Clero hujus Civitatis , & Dioecesis , aliisque hujus Ecclesiæ jurisdictioni subjectis , quatenus Te in Vicarium , & Officialem nostrum Generalem , ut præmittitur , recipient , Tibique tanquam tali in omnibus parent , & obedient . Dantes Tibi voces , & vices nostras , contradictores , & rebelles pœnis , & Censuris Ecclesiasticis compescendi . In quorum fidem presentes scribi jussimus per infrascriptum nostrę Curię Notarium , & manu propria subscripsimus , si illoque Capituli jussimus muniri . Datum &c.

A D N O T A T I O N E S .

PRÆSERTIM SI EX HUMANIS E-
RIPI CONTIGERIT . Ponitur illa dictio -- Præsertim , ad exprimendum casum minùs dubitabilem , & indicandum , quod etiam extra casum mortis Episcopi , potest Capitulum Vicarium Generalem constitutere , puta si in captivitatem apud fidei

Hostes redigeretur , ad Text. in c. Si Episcopus de suppl. neglig. Prælat. in sexto , Carol. Anton. de Luca ad Ventrig. p. 2. annot. 15. n. 2

2. Non tamen posset Vicarium depudare , si Episcopus degens in remotis , & Vicarius ab eodem relictus moreretur , aut suspensus ab Ordine , vel excommunicatus existeret , quia tunc recurrendum esset

efset ad Sedem Apostolicam pro provi-
sione, Nicol. in fosc. verb. Vicarius Capituli nu. 57. Fagnan. in cap. Per diversitatem
à num. 25. usque ad fin. de concess. præb. Si-
cuti nec posset illum constituere, quando
Vicarius Episcopi defuncti fuisset missus
à Sacra Congregatione, ut advertit idem
Nicol. loc. cit. num. 38.

3 OCTO DIERUM. Tempus à
Concilio Tridentino statutum incipit à die
scientiæ mortis certæ, & non præsum-
ptæ, vel à die translationis ad aliam Ec-
clesiam, Quarant. in Sum. Bullar. verb. Ca-
pitulum sed. Vacante in appendice vers. Ter-
mino octo dierum, Barbos. de Canonic. cap.
ultimo num. 32.

4 Si autem in dicto termino octo die-
rum à die scientiæ Capitulum eligeret
non Doctorem, existentibus Doctoribus,
jus eligendi non efset devolutum ad Me-
tropolitanum, sed facta per eum declara-
tione nullitatis deputationis, remittenda
efset nova electio ad Capitulum præfixo
termino ad eligendam, sic opinatur Pi-
gnatello. consult. Can. 34. à n. 13. ad 24. 10. 8. in-
nixus rationi, quod cum devolutio sit pœ-
na imposta principaliter ob negligentiam
non factæ electionis, non debeat extendi
ad casum, quo aëtus iste gestus quidem
fuit, sed nulliter.

5 Verum reliquo Pignatello adhæreas
Quarant. in Sum. Bullar. verb. Archiepisc. au-
toritas n. 36. Barbos. supra Conc. sess. 24. cap.
16. nu. 28. de Reform. & de jur. Eccles. lib. 1.
cap. 7. n. 102. Ventr. prax. tit. de jurisd. Ar-
chiep. cap. 49. n. 23. Card. de Luc. de
Canonic. discurs. 24. n. 7. & discurs. 25. n. 3. fir-
mantes Concilium Trid. illis verbis: *Si secus
statum fuerit, ad Metropolitanum deputatio
hujusmodi devolvatur, utrumque casum*
pariformiter comprehendere ad effectum
devolutionis, quod scilicet siue Capitulum
negligat suam facultatem exercere intrâ
octo dies, siue male exerceat inhabilem
eligendo, pro illa vice privetur tali faculta-
te, que devolvatur ad Metropolitanum, vel
viciniorem juxta dispositionem Concilii.

6 At si Vicarius deputatus per Metro-
politanum, vel viciniorem ob negligen-
tiā, vel malam electionem Capituli,
decederet, tunc posset Capitulum novum
eligere Vicarium intrâ octo dies, ut prius,

quia pro prima vice tantum jus amisit
Barbos. de jur. Eccles. dict. cap. 7. dict. num.
102. in fin.

7 QUI DE BUE RUNT. Cano-
nici absentes non debent vocari, nisi con-
mōdē fieri possit: Nec ita absentes pos-
sunt mittere, aut constituere Procurato-
rem ad ferendum in electione suffragium,
Glos. & Canonicæ communiter in cap.
Quia propter de elect. Quia eo ipso, quod
Canonicus transit ad locum, ex quo com-
mōdē vocari non possit, facit se extra-
neum, & perdit jus ad eligendum, Pas-
rin. de elect. cap. 10. num. 37.

8 Quatenus autem adesset consuetudo
legitimè præscripta admittendi in elec-
tione Canonicos absentes per Procuratorem,
talis consuetudo efset intelligenda, & re-
stringenda ad absentes intra Provinciam
& ibidem detentos aliquo legitimo impedi-
mento de tempore actualis electionis Vi-
carii, prout censuit, & declaravit Sacr.
Concili Congregatio in Hidruntina 11. April.
1699. in qua non obstante prætensa, &
allegata consuetudine admittendi absentes
per Procuratorem, fuit declarata nulla
electio Officialium, in qua fuerunt ad vo-
tandum admissi per Procuratorem duo Ca-
nonici, qui morabantur Neapoli.

9 Et si è contraria adesset consuetudo non
vocandi quoquo modo absentes à Civitate,
servanda efset, & admittenda, ut dixit
Rot. coram Cels. decif. 85. n. 11. Si autem pre-
ter Canonicos vocandi essent juxta con-
suetudinem præscriptam alii de Clero, qui
alias de jure non dicuntur de corpore Capituli,
prout sunt Portionarii, aliique Be-
neficiati Ecclesiae, effet pariter consuetu-
do servanda, ut respondit Sacr. Congreg.
Concili in Castellanen. 1. Decembris 1696.
& in Nullius Altamuræ 9. Decembris 1690.
& 4. Aprilis 1593. Dixi juxta consuetudi-
nem præscriptam, quia si pauci tantum
actus afferantur, in quibus it, qui non
sunt de corpore Capituli, sufficiunt ad-
missi ad suffragium ferendum, & con-
suetudo non effet legitimè probata, nec
pacifica, Capitulum posset illos exclu-
dere, & jus suum vindicare, ut accidit
in Recineten. proposta in Sac. Congregat.
Concili 4. Junii 1701. in qua Altaristæ
Cathedralis, qui pluries in electione
Vica-

Vicarii Capitularis interfuerunt, & suffragium dederunt, fuerunt exclusi, ex quo consuetudo non erat pacifica, neque legitimè præscripta.

10 SECRTIS QUE SUFFRAGII. Quamquam Conc. Trid. in cap. 16. sess. 24. de Reform. formam scrutinii in habenda electione Vicarii Capitularis non præscribat, adhuc cum agatur de electione, & deputatione Prælati habitis jurisdictionem, videtur quod in dandis suffragiis servanda sit dispositio cap. Quia propter de elect. ad tradita per Passerin. de elect. cap. 9. q. 8. num. 53. & seqq.

11 Et si forte in aliqua Cathedrali esset usus, sive potius abusu suffragia publicè, & in aperto præstandi, omnino tollendus esset, non solùm in ista Vicarii electione, sed etiam in aliis resolutionibus Capitularibus, ut liberius quisque valeat suam sententiam dicere, propriae exonerare conscientiam, & ut ita evitentur iurgia, rixæ, & inimicitiae inter Capitulares, prout expedire censuit Sac. Congreg. Concilii in Melebitana 23. Novembri 1697. & 20. Septembri 1698. & sanctissima esse statuta, quæ mandant, ut secretis suffragiis negotia Capituli resolvantur, dicit Garz. de Benef. part. 5. cap. 4. num. 185.

12 J. U. D. Vicarius Generalis Capituli, debet esse Doctor in jure Canonico, & non in Civili tantum, Ricc. in prax. For. Eccles. par. 1. resol. 107. Barbos. de Canon. cap. 42. num. 49. Ventrigl. prax. par. 2. annot. 15. §. 2. num. 5. Card. de Luc. annot. ad Concil. disc. 31. num. 16.

13. VICARIUM NOSTRUM Unum tantum Vicarium Generalem deputare potest Capitulum, & non plures, nisi adesset in loco immemorabilis consuetudo eligendi duos, vel essent duo Episcopatus uniti, & unusquisque haberet suum Capitulum, & Ecclesiam Cathedralem, Garz. de Benef. in addit. ad cap. 7. num. 37. Quarant. in Sum. Bull. verb. Capitulum Sed. Vacant. num. 9. Ricc. decis. Archiep. Neapol. 193. num. 1. & 2. par. 4. Barbos. de Canon. cap. ultimo num. 33. Fagnan. in cap. His quæ num. 68. de major. & obed. Nicol. lucubr. Can. lib. 1. cap. 28. resp. 10.

14 PRO TEMPORE SEDIS VACANTIS. Non potest Capitulum

Vicarium eligere ad tempus, puta ad sex menses, sed debet illum constituere pro toto tempore Sedis Vacantis: Quicquid enim in contrarium dixerint Quarant. ubi sup. num. 4. Garz. de Benef. p. 5. cap. 7. nu. 23. & seqq. Ventrigl. prax. par. 2. annot. 15. §. 2. num. 18. & 19. alii ab eis allegati, eorum opinio in praxi non servatur, sed inconcusse nostra conclusio vera est, & idem sequenda, prout sequuntur Nicol. in flos. verb. Vicarius Capitularis nu. 59. & in lucubr. Canon. lib. 1. cap. 28. de Offic. Vicar. num. 18. Fagnan. in dict. cap. His quæ num. 71. de majorit. & obed. quod comprobatur Decretis Sacr. Congregationis Episcop. quibus prohibetur amotio Vicarii Capitularis sine justa causa cognoscenda, & approbanda ab eadem Congregatione, ut in Montis Regalis 17. Junii, in Neapolitana 1. Septembri, in Tarantina 22. ejusdem 1603. & in Aretilina 26. Octobris 1604. cum aliis apud Nicol. loc. citat. num. 54. §. 4.

15 E M O L U M E N T I S. Debetur Vicario Capitulari salarium ex redditibus Ecclesiæ vacantis, ex quibus deduci etiam debente aliæ expensæ necessariæ pro carta, & Ministris Curiæ, ad quas tenetur Camera Apostolica in locis, ubi vigent, & percipit spolia. Tusc. litt. C. concl. 56. num. 9. Quarant. in Sum. Bullar. verb. Capitulum Sed. Vac. num. 7. Nicol. flos. ubi supr. num. 79. cum aliis quos allegat, & sequitur Ventrigl. prax. p. 2. annot. 15. §. 1. num. 24. & 6. 2. num. 35.

16 P L E N A M. Non enim potest Capitulum in deputatione Vicarii, seu litteris patentibus aliquid sibi reservare, aut potestatem electi coarctare, seu restringere: Et si de facto conditione, aut modificatione aliqua Vicarium eligeret, posset iste restrictionibus non obstantibus munus suum liberè exercere usque ad adventum novi Episcopi, prout passim solet rescribere Sac. Congreg. Episcop. & egomet obtinui pro D. Archidiacono Dominico Cannia electo Vicario Capitulari Venusino, Viro probo, doctrinaque ornato, 14. Novembri 1698. & firmant auctoritates suprà allegatae in §. Non potest..

17 COGNOSCENDI. Si Vicarius Capitularis allegetur suspectus, non potest de-

de causa cognoscere, sed tunc recurrendum erit ad Capitulum tanquam Superiorum pro electione Arbitrorum ad cognoscendum de causis suspicionis, eo modo, quo Episcopus potuisset, ut respondit Sac. Congreg. Conc. 31. Martii 1588. *suprà cap. 16. sess. 24. de Refor. ad hoc, ut illi detur Adjunctus, Thesaur. For. Eccles. p. 2. c. 1. n. 68.* præsertim in causa, in qua Capitulum haberet interest, Fagnan. *in cap. Nofti n. 21. de elect.* ubi de Vicario Episcopi suspecto, allegato Zecch. *de Republ. Eccles. c. 23. de Vicar. Episcop.* vers. 4. n. 5. Et de ipsomet Episcopo, si justis de causis allegetur suspectus, quod debeat procedere cum Adjuncto, rescriptit Sac. Congregat. Episc. *in Nuscana gravaminis 10. Novemb. 1690.* & *in Sulmonen. Redditionis Rationis 5. Septembr. 1692.*

18 ETIAM PRO ECCLESiarum IMMUNITATE. Habet Vicarius Capituli jurisdictionem cognoscendi causas super violatione Immunitatis Ecclesiasticæ, ut resolvit Sac. Congregat. *Immunitatis in Tropien. 27. Novemb. 1626.* Non tamen habet facultatem, qua utitur Episcopus in casibus Constitutionis Greg. X I V. super Immunitate Ecclesiastarum emanatae, quæ est in Bullar. tom. 2. la VII. nam illorum cognitione Sede Vacante, non ad Vicarium Capituli, sed Episcopum viciniorem spectat, prout eadem Sac. Congr. Immunitatis declaravit in Vercell. 8. Novemb. 1650. lib. 4. Decret. Pauluc. fol. 125. à tergo.

19 Item advertere debet Vicarius Capituli, quod non potest nec ipse, nec Vicarius Episcopi, nec Apostolicus absolvere reos cum reincidentia à Censuris incurfis, ex causa læsionis Immunitatis, jurisdictionis, & libertatis Ecclesiasticæ, seu fulminatis, sed pro absolutione deberet recurri ad Sedem Apostolicam, cui casus hujusmodi reservatur, ut sèpè declaravit eadem Sac. Congregat. Immunitatis, & præsertim in Capuana 16. Junit 1632. in Sancti Marci 13. Decembr. 1633. & in Bittutina 20. Novembr. 1657. & tradit del Ben. de immunit. Eccles. cap. 16. dub. 38. sed. 2. num. 12. tom. 2.

20 Et hæc procedunt etiam respectu ad Metropolitanum, qui non potest ab-

solvere excommunicatos suffraganei occasione violatæ libertatis, & immunitatis Ecclesiasticæ, neque appellations admittere, nisi Ecclesia, seu libertas Ecclesiastica in ejus honore integraliter priùs sit restituta, ut rescriptum fuit contrà Archiepiscopum Rhegiensem favore Episcopi suffraganei Tropeæ per Sac. Congreg. Episc. 9. Novembr. 1618.

21 RESIGNATIONES BENEFICIORUM CUM CAUSA RECEPIENDI. Quando Vicarius Capituli habet hoc speciale expressum in mandato, potest cum causa recipere resignationes Beneficiorum, ut tenet Garz. *de Benef. part. II. c. 3. n. 255.* & 256. non tamen providere, ut dicam in Appendix.

22 AC DIMISSORIAS. Ex facultate, quam tribuit Concil. Trid. Vicarius Capituli concedit post annum dimissorias ad Ordines, & infra annum arctatis, prout sunt præsentandi ad Beneficia Jurispatronatus, Sac. Congreg. Episc. *in Squillacen. 3. Januarie 1594.* Nicol. *in flosc. verb. Vicar. Capituli n. 70. vers.* Non autem; alii que ratione Beneficij recepti, vel recipiendi, puta, si Beneficium debeatur certo generi personarum, ut amplius Garz. *de Benef. part. 5. c. 7. n. 76.* quibus potest Beneficia conferre.

23 Immò quod possit Vicarius Capituli concedere etiam non arctatis infra annum dimissorias pro prima Tonsura, ex eo quia Concil. *in cap. 10. sess. 7. de Reform.* primam Tonsuram non comprehendat, declaravit super dict. Text. Sac. Congregat. Concili, & comprobavit Fagnan. *in cap. Cum contingat num. 39. de ærat. & qualit.*

24 Et aliquando conceditur facultas Vicario Capitulari, ut etiam infra annum à die vacationis Sedis Episcopalis possit concedere litteras dimissorias ad Ordines cum voto tamen pleni Capituli, & ubi pro Ecclesiastarum ministeriis exequendis necessarium fore judicatur, prout à Sac. Congr. Episc. concessa fuit Vicario Capitulari Antuerpiensi 15. Martii 1589.

25 Hoc provisionale Decretum dandi dimissorias ad Ordines infra annum cum voto pleni Capituli utilius foret, si à Sede Apostolica extenderetur per viam legis

legis universalis ad omnes Vicarios Capitulares post annum, ad reparanda mala, quæ eveniunt Ecclesiis illis, quæ ultra annum manent viduatae Pastore: Nam Vicarii Capituli non semel hac potestate abutuntur, quia prece, consanguinitate, & favoribus, aliisque casibus vieti, dimissorias concedunt improbis, illitteratis, & immorigeris Laicis, & Clericis; Clerumque ita miserè labefactant, quod certè non eveniret, si dimissoriæ de voto pleni Capituli essent expedienda.

26 ET SUPER INTERSTITIIS DISPENSANDI. Hæc facultas transit in Vicarium Capituli data speciali commissione, ut pluribus auctoritatibus cumulatis probat Garz. de Benef. in addit. ad 5. par. cap. 7. num. 92. vers. Quantos tamen.

27 CUM VOTO TAMEN CONSULTORIS. Cum ex conciliari dispositione sess. 24. cap. 16. de Reform. quatenus in Capitulo Doctores in jure Canonico, aut Licentiati non adsint, possit eligi, & deputari in Vicarium magis idoneus non graduatus: Tunc electo per modum consilii, & providentiae (non autem restrictionis facultatis) debet dari Consultor arbitrio ejusdem Vicarii elegendus, qui sit Doctor, & in rebus legalibus, & arduis peritus, à quo dirigi possit, prout fit quando Vicarius Generalis Episcopi est Theologus, & non jurista, ex Decretis Sacr. Congregat. relatius à Nicol. in fosc. in verb. Vicarius Generalis Episcopi n. 30. vers. Nō semper, & in verbo Vicarius Capituli num. 58. Vel quando Judex Delegatus à Sede Apostolica non est Doctor; Nam requisitus debet judicare cum voto Assessoris partibus non suspecti, ut mandat Leo X. Constit. X. §. 9. Bullar. tom. 1. pag. 481.

Dixi quod iste Consultor, sive Assessor ab ipso Vicario Capituli non Doctore assumendum est, non autem à Capitulo venit deputandus: Quia si hoc faceret Capitulum, deputatio esset nulla, ut decisum refert Nicol. mox citatus d. nu. 58. in una Acernen. 1604. Et sic doctrinam Quarant. in Summ. Bullar. verb. Capitulum Sede Vacante num. 3. & 6. quem sequitur Pac. Jord. lib. 12. tit. 2. de Vic. Capit.

Sede Vacant. num. 16. intelligendam esse, quod Vicarius Capituli non Doctor, possit sibi Consultorem (immo ex congruentia debeat) assumere, non autem illum Capitulum deputare.

28 Ex hucusque animadversis facile colliges, quod in constitutione Vicarii Capituli, non est procedendum cum formulæ impressis apud Quarant. in Summ. Bullar. verb. Capitulum Sede Vacant. post num. 15. quas transcripsit Pac. Jord. lucubr. tom. 2. lib. 12. tit. 2. nu. 60. & apud Barbos. de Canonic. cap. 42. n. 137. in quibus plura leguntur correctione digna tamquam contraria Decretis Sacr. Congregat. Sed videtur inhærendum formulæ hic traditæ, vel si magis placet alteri impressæ apud Nicol. in fosc. verb. Vic. Capituli. Ventrigl. in prax. par. 2. annot. 15. Marchet. in Prax. Vicar. Capit.

Deputationis Vicarii Monialium.

FORMULA III.

SUMMARIUM.

- 1 Gubernium Monialium difficile.
- 2 Vicarii Monialium requisita.
- 3 Licentiae accessus, vel ingressus ad Monasteria Monialium Regularibus subjecta debent subscribi etiam ab Episcopo: Ac etiam à solo Episcopo, ubi adeat consuetudo num. 4. & 5.
- 6 Episcopus potest prohibere Regularibus, nō celebrent in Ecclesiis Monialium.
- Onus celebrandi in Ecclesiis Monialium Regularibus à Testatore injunctum, debet transferri ad eorum Ecclesiias, ibid.
- 7 Moniales de licentia Superioris posse sunt